

CARTA NU GUTHEL·LA' APÓSTOL SAN PABLO PARA TIMOTEO

Primera Epístola Del Apóstol San Pablo A

TIMOTEO

1 Inte' Pablo apóstol qui' Cristo Jesús, acca riquixa'a' ca titsa' quì'e por mandado qui' Tata Dios enne' runna salvación qui' ri'u, a'hua porqui'ni a' calatsi' Cristo Jesús qui'ni gunia', Enne' ribeda ri'u íl·lanie nna ilá'ni ri'u e. ²Rudiánia' lu' Timoteo ti'átsi ná lu' yí'nia' porqui'ni rudà naga' lu' quia' nna runi lu' biya ca titsa' nu riquixa'a' nu cca qui' Tata Dios enne' ría latsi' ri'u. Dios Padre qui' ri'ua nna gunie lu' bendecir lani adí favor quì'e nna la' retúalatsi' quì'e nna, a'hua lani la' yeni nu runna Cristo Jesús enne' rigú'ubi'e lo iyate.

³Tì'a niá' loti' dí'a' para región lã Macedonia a'hua rudí'a' anna qui'ni eyà'na lu' le' yétsi Éfeso, porqui'ni nà' la tsè'e ttu chuppa ca enne' canu riquixá'a ca ca enseñanza huaya', pero álahua según ca enseñanza nu cca qui' Cristua nu riquixa'a'. Dàni lu' gá lu' ca qui'ni bittu ru guni ca a'. ⁴Gá hua lu' ca qui'ni bittu ru gudà naga' qui' qui'

ca creencia, nihua bittu ru quixa'a ca ca cuento nu rinnia bá iquixa qui' nu cca qui' ca nombre ga'na escrito lo lista qui' ca enne' canu gutsé'e ca antes, porqui'ni puru taá pleito chè' ca cuentua nna labí runi ca qui'ni propósito qui' Tata Dios nna ccá cumplir lo losto' ca enne' para gata' fe qui' qui' nna ccá ca salvo. ⁵Nia' lu' nùì nna para qui'ni telini ca qui'ni nu adiru dacca' nã ttu losto' nàri delante de Dios de yù ca qui'ni bittu biya mal runi ca, a'hua qui'ni tsía latsi' qui' nu ná lí tulidàba, laniana gulue' ca qui'ni te la' tsi'ilatsi' qui' Tata Dios lo losto' qui'. ⁶Tuchuppa ca nna labiru guyú'u latsi' qui' guni ca tì' ra ca titsa'a, acca chì bettse'le latsi' qui' neda nu cca qui' Tata Dios, porqui'ni rue' ca puro taá ca titsa' nu labí riyu' para gá'a ca razón. ⁷Calatsi' qui' ccá ca maestro de la ley qui' Tata Dios, pero labí ritelíni ca biya nua rinne ca, nihua labí ritelíni ca de rena ca qui'ni: í ná. ⁸Hua yù ri'u qui'ni yala tsè' ná

nu ra lo ley qui' Tata Dios, pero ná qui'ni telini ri'u biya nua iýù'ni ri'u a. ⁹Chì ritelíni ri'u qui'ni ley nna bíruhua riquina'ni ri'u a canchu chì runi ri'u obedecer nu ra titsa'a, sino ná láq para guniá sentenciar canu runi ca contri nna para canu runi biya crimen nna, para canu bittu respeto rappa ca lani Tata Dios nna runi ba ca tul-la', para canu redúdítsi ca nu ra lo Escritura nna runi ca profanar nombre sagrado qui'e, a'hua para canu rùe' ca tàta nàna qui' qui' l-le huetti ca enne' l-le. ¹⁰Por nu ra lo ley nna a' modo nna rulue'ní maldad qui' canu ridualàni canu labí ná tseli, a'hua maldad qui' ca nubeyu' canu runi luetsi qui' nu labí ná qui'ni guni ca. Ley nna rinnia en contra de canu ribana ca enne' a la fuerza para ccá ca esclavo qui' qui', canu beya nna, canu ribèqquia bela'na, a'hua canu runi ca biya attu cosa nu labí ná de acuerdo lani enseñanza nu ná lí, ¹¹tì'a rulue' ca titsa' tsè' gani qui' Tata Dios nna née enne' tsè' tulidàba. Lee nna chì bethà'née làtsi' naya' para équixa'a' ca titsa' de salvación nu runi Cristua ofrecer.

¹²Quiyáru Xana' Ri'u Cristo Jesús porqui'ni runne la' huacca quia' para quíxa'a' ca titsa' qui'e, a'hua porqui'ni yala confianza te qui'e lani inte' acca bedue inte' para ccá' ttu huenitsina qui'e, ¹³masqui'ba ttu cuaya nua nna guléqquia' por menos Tata Dios lani ca titsa' quia', porqui'ni beduadí'a' canu ría latsi' qui'e nna betsía látsa'a' ca. Pero yala betúa latsi'e inte' porqui'ni yùe qui'ni labí yúa' qui'ni nu chi benia' nna ná contra lee, porqui'ni labí chì

ría látsa'a' Cristo Jesús. ¹⁴Iyèni favor runie lani inte' nna runne la' huacca quia' para tsía látsa' ye' e, a'hua runne la' tsi'ilatsi' lo lostu'a' tì'a chì te qui' iyaba ri'u de chì ná ri'u ttuba lani Cristo Jesús. ¹⁵Hua yúa' qui'ni riquixa'a' titsa' nu ná lí para tsía latsi' iyábani ri'u lani itute latsi' ri'u: qui'ni Cristo Jesús nna bitée yétsiloyu para gudilèe ca enne' tul-la'. Inte' nna uccua' adí térula tul-la'. ¹⁶Acca loti' bedilèe inte' por la' retúalatsi' qui'e, a' modo nna belue' Cristo Jesús qui'ni yala la' ýeni rappee qui' ca enne' adiru tul-la' hasta qui'ni tsía latsi' qui', porqui'ni yala la' ýeni guyi'e quia' masqui'ba benia' anía. A' benie para qui'ni por medio de inte' nna adí ca enne' tul-la' canu ná qui'ni tsía latsi' qui' ne nna gappa hua ca fe qui' qui' nna gata' la' labani nu labí ttá qui' qui'. ¹⁷Acca ná qui'ni gudàliani ri'u Tata Dios tulidàba nna gul-la ri'u himnos para lee masqui'ba labí ccani ri'u ilá'ni ri'u e, porqui'ni la terúbee née Dios enne' dacca' nu rigú'ubia' lo iyate desdeba neru nna, nunca labí gattie. Quiyárué. ¹⁸Lu' ya ýi'nia' Timoteo, rappa' confianza lani lu' qui'ni egà'na lu' le' yétsi Éfeso nna quixá'a lu' ca titsa' nu chì nia' lu'. Inte' apóstol nna becuí'a' lu' para guni lu' inte' cualani, nùì nna nà conforme lani ca titsa' qui' canu betsia ná qui' iquixa lu'a loti' gutixà'a ca nu cca qui' lu' por la' riyeni nu benna Tata Dios qui' qui'. Bittu iýùl-lani lu' nu gunne ca, porqui'ni anía modo nna gata'ni lu' adí la' huacca nu runna Espíritu para qui'ni guni lu' vencer contra iyate nu ná mal, ¹⁹a'hua

para qui'ni guni lu' seguir tulidàba lani fe nu te qui' lu' lani Cristo, a'hua para qui'ni guni lu' nu ná tsè' para qui'ni la' rulaba latsi' qui' lu' nna bittu gunià lu' condenar. Ttu chùppa ca enne' nna runi ba cã nu ná mal masqui'ba chì yù cã nu ná tsè', labiru runi cã seguir lani fe nu te qui' qui' antes, acca reyeqquia cã neda mal attu vuelta nna nitti ba cã. Por ejemplo, ca marinero nna canchu labí gutha' tsè' cã barco qui' qui' tì'a chì yù cã, entonces gulà'a cã neda lí nna taxacca' cã lati anta' ca íyya nna inètsi barco qui' ca niá nna nítilo iyaba cã. ²⁰Luetsi canu chì yù cã qui'ni labiru runi cã nu ná tsè' nu ra Tata Dios, pues tse'le Himeneo nna Alejandro nna, acca chì beté ya' cã cuenta lani Satanás para gunià nu calatsi'ì lani cã, para qui'ni a' modo nna guthète' cã bittu ru inne cã contra Tata Dios.

2 Primérute runia' animar iyaba ca creyente qui'ni guni cã oración por iyaba ca enne' nna inàbani cã Tata Dios por iyaba cã qui'ni gunie cã cualani biyã necesidad te qui' qui, a'hua qui'ni hué' cã gracia Tata Dios por iyaba ca enne'. ²A'hua por presidente qui' qui nna, a'hua por iyaba adí canu rigú'ubia' qui' qui nna, para qui'ni tsé'le ri'u sin biyã estorbo para qui'ni te libertad qui' ri'u guni ri'u Tata Dios adorar nna guni ri'u nu ná tsè'. ³Tata Dios enne' runna salvación qui' ri'u, canchu yùe qui'ni runi ri'u oración por iyaba ca enne' nna yala redácca'nie, ⁴porqui'ni calatsi'e qui'ni iyábani ca enne' nna gunibía' cã nu ná lí nna tsía latsi' qui' nna lál cã. ⁵Porqui'ni

dua ttu teruba Dios, a'hua dua ttu teruba enne' beni qui'ni eyacca ca enne' ttuba lani Tata Dios. Enne'yù'ì nna née Cristo Jesús. ⁶A' beni Cristo Jesús loti' betie cuenta la' labani qui'e nna guttie por iyaba ca enne' para qui'ni gata' salvación qui' qui. Guttie tiempo nani Tata Dios qui'ni gattie, anía belui'e qui'ni Tata Dios nna calatsi'e qui'ni iyábani ca enne' nna lál cã. ⁷Acca becuí'e inte' para ccá' apóstol nna équixa'a' nu ná lí entre ca enne' qui' adí ca nación, para qui'ni telini cã qui'ni dani cã tsía latsi' qui' nu beni Cristo Jesús por lacã. Bittu runi látsa'a' de nia' ca così, hua lígani nia' nu ná lí. ⁸Attu vuelta nia' qui'ni calátsa'a' qui'ni iyaba ca nubeyu' gaÿa tédiba tse'le cã nna bittu ru itsa'áni cã nna bittu ru til-la cã nna, sino qui'ni de guni cã oración nna ilitha ná' qui' nu labí ná tul-la'. ⁹Ca niula nna ná qui'ni gaccu' cã ca lari' nu rulue' tsè' por ttu nu ría latsi' qui' Tata Dios, tì'a runi ca niula canu te la' rulábalatsi' nu ná tsè' qui' qui' delante de Dios. Pues nu adiru dacca' delante de Dios nna álahua nã ti'iyã tsè' ná ca anillo nu yù'u ÿubená' qui, nihua perla nu yù'u yani qui, nihua ca lari' nu dacca' yaÿi lle. ¹⁰Gá lu' ca niula qui'ni nu adiru dacca' nna nã ca obra de la' retúalatsi' nu runi cã lani ca enne', tì'a ná qui'ni guni ca niula canu ra cã qui'ni ría latsi' qui' Tata Dios. ¹¹Ttu niula nna ná qui'ni gudã nàgùi'ì sin qui'ni bittu inne tiã nna gappa láã la' ÿeni para gunià obedecer. ¹²Nia' qui'ni bittu ná qui'ni ttu niula nna quixá'aniã ca nubeyu' le' iglesia qui'ni ì nuã'

ná, o qui'ni gunià dirigit ca nubeyu' le' iglesia, sino ná qui'ni bihua biya innia. ¹³A' ná porqui'ni Tata Dios nna benie Adán primérite, laniana uccua Eva. ¹⁴A'hua Adán nna bihua guýacca' ýíà por bèl-làa, sino niuláa ba guýacca'ýíà nna gulù'a falta. ¹⁵Pero ttu niula nna gata' salvación qui'ì de runià nu ná qui'ni gunià, por ejemplo: guditsina'a ca ýi'nì nna runià seguir lani la' tsi'ilatsi' nna fe nna, a'hua canchu gunià seguir ccá nàri la' labani qui'ì delante de Dios lani ttu la' rulábalatsi' nu ná tsè'.

3 Hua lígani nia' lu': Canchu ttu nubeyu' calatsi'ì gunià guiar ttu tsina nu cca qui' iglesia, pues bihua ná ttu la' calatsi' mal qui'ì porqui'ni ná ttu tsina tsè'. ²Enne' guni guiar le' iglesia nna labí ná qui'ni ccá ttu nu rutià lugar qui'ni ca enne' nna inne cã mal qui'ì, por ejemplo: ttuba niula qui'ì dúalania, a'hua ná qui'ni ccá ttu nubeyu' nu ridu al tanto para ínnià nna gunià nu ná tsè', ttu nu rà'a razón, a'hua la' labani qui'ì nna te ttu arreglo qui'ì nna, runià ca enne' invitar nna runià cã recibir tsè' le' litsi'ì, a'hua te la' riyeni qui'ì para gutià tsè' ca enseñanza. ³Bittu ná qui'ni ccá ttu enne' borracho, nihua ttu nu iqquia tsá'a, sino ttu nu gappa láà la' ýeni qui' ca enne', aláa ttu nu ritil-la taáà lani ca enne', nihua ttu nu yala ridà latsi'ì gata' ca cosa material qui'ì. ⁴Ná duel-la' qui'ni ccáà ttu nubeyu' nu rutsè'e tsi'á ca familia qui'ì nna, ttu nu rinèni ca ýi'nì nna rappa cã na titsa'. ⁵Porqui'ni ttu nubeyu' nu labí rutsè'e tsi'á ca familia qui'ì le' litsi'ì, ti'ani modo huí'a cuidado

canu tse'e le' iglesia qui' Tata Dios cá. ⁶Pero ttu nu chì' ría ba latsi'ì nna, labí ná qui'ni gute ri'u ttu cargo qui'ì para gunià dirigit biya le' iglesia, porqui'ni xiaba gulaba latsi'ì qui'ni yala enne' dacca' ná nna innia teláa le' peligro porqui'ni gunià ti'ba rulaba bá latsi'ì ti'a beni numalua nna uccuà condenar por Tata Dios. ⁷A'hua ná duel-la' qui'ni nu guni dirigit nna ccá ttu nu runi nu ná tsè' lani ca enne' labí ría latsi' nna rinne tsè' hua cã qui'ì. Porqui'ni canchu runi latsi'ì o runià attu biya mal ni lani ca enne' canu labí ría latsi', pues anía modo nna gutià lugar qui' qui' para inne cã mal contri' nna inne cã qui'ni labí formalidad te qui' iglesia, a' ná nu calatsi' numalua.

⁸Ca nubeyu' nu ccá diácono nna ná qui'ni ccá cã canu rue' cuidado ti'íya runi cã portar, álahua canu bila bila ba rinne cã, nihua borracho, nihua ttu nu runi gana por medio de la' ruthacca'ýí sino lani nu ná lí, ⁹canu yu cã lo losto' qui' qui'ni labí mal runi cã sino qui'ni runi cã nu ná tsè' conforme lani ca enseñanza lí nu rulue' ca titsa' nu ría latsi' ri'u. ¹⁰Ti'a nu guni guiar, a'hua canu ná para ccá cã diácono, ná qui'ni primérite ccá cã probar. Canchu labí biya cosa mal runi cã para gata' lugar qui' ca enne' inne cã mal qui' qui', entonces huacca hua guni cã servir como diáconos. ¹¹A'hua ca niula canu guni biya cualani le' iglesia nna ná duel-la' ccá cã canu rue' cuidado ti'íya tse'e cã, aláa canu rinne titsa' beýia qui' ca enne' nna chatha ttu escándalo le' yetsi, sino

canu te ttu la' rulaba latsi' tsè' qui' qui' nna, runi ca cumplir tsè' itute deber qui' qui'. ¹²A'hua ttu nubeyu' nu ccá diácono nna, pues ttuba niula quì'ì dualànià, a'hua ná qui'ni ccá ttu nubeyu' nu rinènià ca ÿi'nì nna rutsè'e tsì'á ca familia quì'ì. ¹³Ca diácono canu runi tsè' nna, entonces í'yu tsá qui'ni thí' ca la' dàliani qui' Tata Dios a'hua qui' ca enne'; thi' hua ca la' huacca nu gunna Tata Dios para qui'ni inne ca lani adí confianza de chi té iÿeni fe qui' qui' lani Cristo Jesús.

¹⁴Rulaba látsa'a' qui'ni itá xìa' tanel'lia' lu', pero rudiania' lu' ca enseñanzì, ¹⁵porqui'ni canchu itsá rù'a' nna, ccá lu' saber por medio de cartì ti'iyà ná qui'ni tsé'e ca enne', ttuà lani attuà, quiere decir luetsi canu runi formar iglesia qui' Tata Dios enne' dúe tulidàba para cueqquia lí ri'u titsa' nu ná fundamento quì'ì nna guni ri'u à defender. ¹⁶Por ejemplo ri'u nna ría latsi' ri'u qui'ni Dios nna chì bitée uccue enne'yù'; qui'ni Jesús nna por la' huacca iÿeni qui' Espíritu Santo lani e nna belui'e qui'ni née enne' completamente tsè'; qui'ni ca ángeli de ÿiabara' nna bilá'ni cabi e; qui'ni ca discípulo quì'e nna chì gutixa'ani cabi nu cca quì'e entre ca enne' qui' iÿetse' ca nación nna ríalatsi' qui', a'hua qui'ni chi uccue recibir attu vuelta ÿiabara' lati dúa Tata Dios.

4 Pero Espíritu Santo nna runie declarar qui'ni ca tsá nu chì da'la nna ttu te ca enne' nna labiru guni ca seguir la' ríalatsi' lígania nu ná qui'ni tsía latsi' ri'u, sino guni la ca seguir ca enseñanza beÿia nu riquixá'a adí ca enne' canu tse'e

ca bajo poder qui' ca espíritu malo. ²Quixá'a ca ca enseñanza beÿia nna gulue' ti'átsi ná ca enne' tsè' pero beÿia la ná ca, labiru cca ca sentir qui'ni ná ca culpable por ca cosa mal nu runi ca, anía modo nna rulue'ní qui'ni runi la ca Satanás servir. ³Lacá nna quixá'a hua ca qui'ni ttu nubeyu' nna ná qui'ni thua ttu báq tulidàba, a'hua qui'ni ná tul-la' canchu go ri'u iyaba nu ná alimento para ri'u, pues Tata Dios nna benie iyaba ca para go ri'u ca después de ttu oración para hué' ri'u e gracias nna, ri'u canu ría latsi' nna chi nabíá'ni ri'u nu ná lí. ⁴Pues iyaba ca cosa nu dacca' para go ba ri'u nna nà tsè' para go ri'u ca, porqui'ni Tata Dios nna benie iyaba ca, labí ná qui'ni làa go ri'u ca, sino ná qui'ni gá la ri'u Tata Dios quiÿarú cuià'lu' nna go ri'u a. ⁵Porqui'ni por medio de ca titsa' nu chi gunne Tata Dios, a'hua por oración nu runi ri'u nna, a' modo nna yù ri'u qui'ni nàq tsè' ru'a lúe para go ri'u a. ⁶Canchu quixá'ani lu' ca bettsi' lu' ca titsi'ì nna, a' modo nna gulue'ní qui'ni ná lu' ttu obrero tse' qui' Cristo Jesús nna, ttu obrero nu yùà ti'iyà modo cca alimentar espíritu qui' la'a labì por medio de titsa' lí nu ná qui'ni tsía latsi' ri'u, conforme lani ca enseñanza lígani nu chì runi lu' seguir. ⁷Hué' lu' cuidado qui'ni là gudà naga' lu' ca cuento nu labí riÿu' ca para la' dàliani qui' Tata Dios, porqui'ni labí lini ca. Guni la lu' iyaba nu dacca' para gappa lu' adí fuerza la' labani espiritual qui' lu', para qui'ni tanó lu' Tata Dios adí tsè'. ⁸Iyaba ejercicio nu runi ri'u para fuerza

qui' cuerpo qui' ri'u nna hua ná tsè' qui'ni guni ri'u a. Pero adiru tsè' ná qui'ni guni ri'u nu gunna adí fuerza para espíritu qui' ri'u, porqui'ni nùì nna dacca'a àlà lateruba miéntraste tse'e ri'u le' yétsiloyuj sino dacca' huáa para attu la' labània. ⁹Hua yúa' qui'ni riquixa'a' titsa' lí para tsía latsi' iyaba ca enne' sin qui'ni gudu chuppaniã çà. ¹⁰Acca yala duel-la' runi tu' para quixá'ani tu' ca enne' titsa' qui'e a'hua ruchia tu' ca enne' canu ruduadí' çà intu', porqui'ni ga'na tu' seguro qui'ni Tata Dios née enne' bani nna te la' huacca qui'e para gudilèe iyábani ca enne' le' ca tul-la' qui' qui canchu ría latsi' qui ne. ¹¹Dàni lu' equixá'ani lu' ca enne' ca cosj nna gá lu' çà qui'ni guni çà na. ¹²Masqui'ba ná lu' cuiti' pero bittu gute lu' neda para qui'ni quiniyú çà lu', sino guni lu' nu ná tsè' ti'ba ná qui'ni guni ca enne' ría latsi', por ejemplo: hué' lu' cuidado ti'iya hué' lu' titsa' a'hua ti'iya thúa lu' lani ca enne', a'hua dani lu' gulue' lu' qui'ni te la' tsi'ilatsi' lo losto' lu' ti'a dani ttu nu ría latsi' guniã, a'hua qui'ni rappa lu' confianza Tata Dios tulidàba, a'hua bittu guni lu' biya cosa nu runi qui'ni cca manchar la' labani qui' lu'. ¹³Lacca'te ccá quia' itá', calátsa'a' qui'ni hue'el-la' latsi' lu' gul-la lu' nu ra lo Escritura lani ca enne', a'hua qui'ni egú'u lu' neda ca enne' nna quixá'ani lu' çà biya nua ra titsa'a. ¹⁴Bittu iyùl-lani lu' poder nu benna Espíritu Santo qui' lu' para equixá'a lu' biya nua ra titsa' qui' Tata Dios, sino uquina' lu' a porqui'ni beni lu' a recibir loti' ttu chuppa ca hermano nna gutixà'a

çà nu cca qui' lu' por la' riyeni nu benna Tata Dios qui' qui, a'hua loti' betsia ná' ca anciánua iquua lu'. ¹⁵Lu' nna beni tulidàba lani itute fuerza qui' lu' iyaba nu rinénia' lu', laniana ennia iyaba ca enne' cuenta qui'ni hua lígani ridète' tse' lu' ca cosa espiritual. ¹⁶Bè' cuidado qui'ni làa guni lu' biya cosa mal, a'hua qui'ni equixá'ani lu' ca enne' conforme lani consejo nu nia' lu'. Be'èl-la' latsi' lu' tulidàba para guni lu' nu níyij, anía modo nna gudilà lu' la'a lu' ba, a'hua canu rudà naga qui' qui' lu' nna.

5 Bittu inne dí' lu' lani ttu nubeyu' chì ná adí enne' gula ti'chu lu' canchu rigú'a biya falta, sino adila tsa' gá lu' a biya nua ná nu guniã pero lani titsa' suave ti'átsi ná tàta qui' lu'. A'hua canu ná ató'te nu cuiti' ti'chu lu' nna, gul-luít'sa' tsè' lu' çà nna bittu inèni lu' çà ti'átsi ná lu' ttu nu rigú'ubia', sino lani la' tsi'ilatsi' ti'átsi ná çà bettsi' lu'. ²A'hua ca niula canu chì ná adí enne' gula ti'chu lu', adila tsa' gul-luít'sa' tse' lu' çà ti'átsi ná çà nàna qui' lu'. A'hua ca niula cuiti', guluít'sa' tsè' lu' çà ti'átsi ná çà dana lu', alàa lani biya interés ni.

³Beni cualani ca viuda canu hua lígani labí modo te qui' qui para ccá çà sostener. ⁴Canchu ttu viuda tse'e yil'ni nna yithúj nna, entonces ná qui'ni ccá çà primero para gulue' çà qui'ni ría latsi' qui Tata Dios por medio de cualani nu runi çà lani propio gani ca enne' le' yú'u qui'ba qui, para qui'ni anía modo nna eyúni çà favor qui' canu bedi yèni çà çà, porqui'ni a' rú'u latsi' Tata Dios. ⁵Ttu viuda nu

hua lígani labí modo te quì'ì para ccá sostener, nihua lanu ÿi'nj te nihua ÿithúì lanú te nna, pues lã nna rappa confianza lateruba lani Tata Dios por nu riquina'niã, a'hua rinãbaniã ne lani oración réla ritsá ba qui'ni gunie na cualani. ⁶Pero ttu viuda nu yala redácca'niã qui'ni runiã ca placer qui' yétsiloyu nna, pues claru taá rulue'ní qui'ni labí rexa latsi'ì Tata Dios. ⁷Acca ná qui'ni quixá'ani lu' ca qui'ni bittu ru guni ca a', para qui'ni làa gute ca lugar qui'ni ca enne' nna inne ca mal qui' nuã. ⁸Canchu nuã enne' labí runiã cualani ca enne' qui'ì especialmente canu tse'e le' litsi'ì, entonces lã nna rulue' qui'ni rutsibiã ca titsa' nu ná qui'ni tsía latsi' ri'u. Porqui'ni de labí runiã cualani canu tse'e le' litsi'ì nna, pues adírula mal nã ti'chu ttu nu labí ría latsi', porqui'ni iýé canu labí riá latsi' nna runi ca cualani ca enne' qui' qui' canu te necesidad qui' qui'. ⁹Thúa nombre qui' ttu niula viuda lo lista qui' canu cca ca merecer cualani qui' iglesia solamente canchu chì uccuaniã gayùna' ida o adíru ÿe ida, a'hua canchu uccuã niula fiel lani tsela niá, ¹⁰a'hua canchu tsè'ba rinne ca enne' qui'ì por ca obra tsè' nu runiã, por ejemplo: canchu bediýèni tsè' báã ca ÿi'nj porqui'ni bethète'niã ca ti'iyã guni ca, a'hua canchu chì beniã recibir tsè' ca enne' nu bitsina' litsi'ì nna belui'ã la' retúalatsi' lani ca hermano nna huíã huenãba titsa' canu ra'ni o ca enne' ná huè', a'hua canchu chi beniã tsè' biã obra uccua ofrecer según ti'ba ritelíniã. ¹¹Pero bittu

gudua lu' lá ca viuda lo lista canchu labí chì uccuani ca gayùna' ida, porqui'ni ca niula viuda adíru cuiti' nna xíaba gutsiáni ca la' rulábalatsi' tsè' qui' qui' nna labíru guni ca servir le' iglesia tì'a chì beni ca ofrecer lani Cristo, sino cálatsti' qui' gutsaná' qui' attu vuelta, ¹²aníã modo cu'u ca falta nna ccá ca culpable porqui'ni beni ca recibir cualani qui' iglesia, pero bitola nna bettse'e latsi' qui' promesa nu beni ca ru'alo iglesia. ¹³Ca viuda cuiti' canchu tsia lá qui' lo lista nna runi ca recibir cualani qui' iglesia nna, xíaba cabiá'ni ca cueni tsaba ca porqui'ni yú'u rà'a ca yú'u reria ba ca, làla ca inne tebá nna gulàtsi' qui' qui' nna inne ca nu labí ná qui'ni inne ri'u. ¹⁴Acca rulaba látsa'a' qui'ni adila tsa' canchu ca niula viuda cuiti' gutsaná' qui' attu vuelta nna gudiýèni ÿi'ni qui' nna guni lo tsina qui', para qui'ni canu labí ruyu tsè' ca canu ría latsi' nna làa gappa ca neda guduadí' ca ca. ¹⁵a' ná consejo nu nia', porqui'ni yù ri'u qui'ni ttu chuppa ca niula viuda cuiti' nna chì belà'a ca neda lí nna chì runi ca ca cosa mal nu calatsi' Satanás qui'ni guni ca. ¹⁶Pero nuã tediba nu ría latsi', canchu tse'e entre ca enne' qui'ì ca niula ná ca viuda, entonces ná qui'ni gutiã nu riquina'ni ca para qui'ni là guthácca' tsi'ì ca iglesia, para qui'ni iglesia nna gata' suficiente ofrenda quì'ì para gutiã qui' ca niula viuda canu hua lígani labí te ccani ca sostener.

¹⁷Ca nubeyu' canu runi ca servir le' iglesia como anciano nna, lacã nna cca ca merecer qui'ni ca

hermano qui' iglesia nna gulue' ca á chùppa tanto la' tsi'ilatsi' qui' qui' lani ca, especialmente lani canu hua lígani rue'el·la' latsi' qui' tulidàba runi ca predicar nna riquixá'ani ca iyaba ca enne' biya nua ra lo titsa' qui' Tata Dios.

¹⁸Porqui'ni lo titsa' qui' Tata Dios nna ga'na escrito qui'ni gulue' ri'u la' tsi'ilatsi' lani canu runi ca tsina por bien qui' ri'u, porqui'ni ra: Bittu cu'u lu' exxa rú'a gù'na nu yu'áq tsina'. A'hua: Ttu nu runi tsina nna ná ba qui'ni thí' la'yi. ¹⁹Bittu tsía latsi' lu' biya queja nu rutsia ttu enne' qui' ttu anciano, solamente canchu tse'e chuppa o tsunna canu ná ca testigo nna ra ca qui'ni i benia, laniana huacca ba tsía latsi' lu'. ²⁰Canchu runi ca seguir tul·la' qui' qui', entonces lu' nna ná qui'ni gutil·la lu' ca ru'a lo iglesia para qui'ni iyaba ca hermano nna gátsini ca nna làa guni ca tul·la'.

²¹Inte' Pablo lani nombre qui' Tata Dios, a'hua lani nombre qui' Xana' Ri'u Jesucristua porqui'ni ná qui'ni gute lu' cuenta tsina qui' lu' lani e, a'hua ru'a lo ca ángeli porqui'ni chì becué' Tata Dios cabi: rutha'na' làtsi' ná' lu' qui'ni guni lu' iyábani nu níyi'i, pero bittu nábáni ca enne' guyu tse' lu' sino guni la lu' nui tì'a chì gutixa'ánia' lu' pero tulappa ba lani iyaba ca enne'. ²²Bittu gutsia ná' lu' iquua nuya ttu hermano para gata' poder qui'i por biya tsina le' iglesia hasta ba qui'ni chì yù lu' qui'ni tsè'ba runia. Bittu hue'èl·la' lu' qui'ni attu enne' ichi'a lu' para guni lu' tul·la' lani a, sino hué' lu' cuidado la' labani qui' lu' qui'ni làa ccá lu' manchar. ²³Por causa de

tsahue' nu ra'ni l·lè'e lu'a', acca nia' lu' qui'ni í'ya hua lu' tito' vino para remedio canchu riquína'ni lu' a.

²⁴Tuchuppa ca hermano nna chì yù ri'u claru tabá biya tul·la' nua runi ba ca seguir, acca ina ri'u qui'ni labí cca ccá ca anciano. Pero ca tul·la' nu runi ba seguir átuchuppa ca nna pues labí cca ri'u saber biya nua ná mal nu runi ca seguir hasta ba qui'ni inàba titsa' ri'u ca. ²⁵Annana nia' sobre de ca hermano canu cca merecer ccá ca anciano: tuchuppa ca nubeyu' nna chía yù ri'u claru taá ca obra tsè' nu runi ca, pero ca obra tsè' nu runi átuchuppa ca nna labí chì yù ri'u biya nua ná tsè' nu beni ca, pero labí modo te igáttsi' ca obra tsè' qui' qui' para siempre.

6 Annana nia' sobre de canu ría latsi' pero de canu ná ca esclavo nna labí modo te qui' qui' para iria ca le' la' rigú'ubia' qui' xana' qui': pues ná qui'ni telini ca qui'ni xana' qui' nna cca ca merecer qui'ni gappa ca ca titsa', para qui'ni làa gute ca neda qui'ni inne ca enne' mal qui' Tata Dios nna ca enseñanza qui'e nu riquixá'a ri'u nna. ²Canchu xana' qui' ná huá ttu nu ría latsi' nna, bihua ná qui'ni gulaba latsi' qui' mal qui' xana' qui' nna guni ca menos para la porqui'ni ná huá ttu hermano. Sino dà lani ca guni ca tsina lo xana' qui' adí tsè', porqui'ni xana' qui' enne' runi ca servir nna ná huá ttu nu ría latsi' nna catsi'í huáni Tata Dios na. Ná qui'ni quixá'ani lu' ca nna inèni lu' ca qui'ni guni ca ca tisi'i.

³Nuya tediba riquixá'a attu enseñanza huaya' ti'chu níyi'i, a' modo nna rulue'ní qui'ni labí

rulaba latsi'ì tulappa lani nu ná lí, quiere decir qui'ni labí rulaba latsi'ì tulappa lani ca titsa' qui' Xana' Ri'u Jesucristua nna ca enseñanza lí nu rulue' ti'iyā modo guni ri'u nu rú'u latsi' Tata Dios.

⁴Canchu a' runi nu'ya tediba enne' nna, rulue'ní claru taá qui'ni cania qui'ni yala yua, pero inte' nna nia' qui'ni enni'ì nna nihua titó' labí nabiá'niā nna duā lo peligro nna calatsi'ì til-lā ca enne' tulidāba nna runiā discutir nu labí ri'yu', acca ratha pleito entre lacā nna a'hua la' yélati' nna ruduadí'ā ca enne' nna labíru confianza rappa luetsi qui, sino l-lá'a luetsi qui nna, ⁵runiā qui'ni labí ruyu tsè' cā adí ca enne' porqui'ni labí tsè' re' la' riyeni qui' qui' nna labí nabiá'ni cā nu ná lí. Rulaba latsi' qui' qui'ni por medio de religión nna guni cā gana tsè' por la'a labá cā.

⁶Inte' nna nia' lu' qui'ni canchu chì runi ri'u Tata Dios servir nna entonces adiru rico ná ri'u espiritualmente taá canchu hua lígani ga'na ri'u conforme lani nu chì te qui' ri'u, pero lani la' redacca' latsi'. ⁷Biáni cosa nùà' ri'u loti' bitsina' ri'u le' yétsiloyu cá. Labí bi'ya nùà' ri'u. Biáni cosa eyua' ri'u canchu chì gatti ri'u nna cca ri'u apartar qui' cuerpo yatti qui' ri'u cá. Labí bi'ya. ⁸Acca canchu chì te nu go ri'u nna gaccu' ri'u nna, entonces ná qui'ni ega'na ri'u conforme lani nu te qui' ri'u, lani la' redacca' latsi'.

⁹Canu yala calatsi' qui' ccá cā rico nna labí ccani cā guchia cā iyaba ca tentación nu dá' lani bel-liu qui' qui' para guni cā mal, acca tse'e cā lo peligro por la' ridàlatsi' necio

nu runi bel-liua qui' qui, hasta qui'ni labiru ri'yu' cā por Tata Dios nna nitti cā. ¹⁰Canchu ttu enne' catsi'íniā bel-liu, nùì nna ná ttu la' ridàlatsi' mal nu runiā qui'ni guniā i'yé ca cosa mal. Tuchuppa cā nna, porqui'ni yala rue'el-la' latsi' qui' gata'ni cā i'ýeni bel-liu qui' qui, acca labiru rexa latsi' qui' Tata Dios, a'hua yala elénini cā bitola nna ina cā: cáalá labí benia' a' nna labí bi'ya ridacca'a'.

¹¹Pero lu' Timoteo, huenitsina qui' Tata Dios, bittu ccá lu' manchar lani ca cosa malua' nna sino bèni nu ná tsè' delante de Tata Dios, belue' qui'ni hua catsi'íni lu' e nna huía latsi' nu rèe, a'hua belue' qui'ni te la' tsi'ilatsi' lo losto' lu' lani ca hermano. Bittu guttsele latsi' lu' lahui' tsina nu runi lu' sino bèni seguir hasta qui'ni ccá cumplir itute, a'hua uccua enne' yēnlatsi' lani iyaba ca enne'. ¹²Gulue' lu' qui'ni ná lu' contra nu ná mal nna ecabi lu' tsè' canu rinne contra ca titsa' nu ría latsi' ri'u, anía modo nna rulue' qui'ni chì ga'na lu' seguro qui'ni te la' labani nu labí ttíā qui' lu', porqui'ni por nua' nna gutāyi Tata Dios lu' loti' i'ýetse' ca enne' nna biyénini cā testimonio qui' lu' dacca'ló taá qui'ni ría latsi' lu' Cristua. ¹³Tata Dios enne' runna la' labani qui' iyaba ri'u, lèe nna rilá'nie, a'hua Cristo Jesús enne' becabi tsè' bée nna benie tì' rú'u latsi' Tata Dios loti' gudue ru'a lo gobernador Poncio Pilato, a'hua lèe nna hua yù bée qui'ni runia' lu' mandar: ¹⁴qui'ni guni lu' iyá tabá nu rèe nna, bittu gútsiání lu' a, a'hua bittu gute lu' lugar qui'ni

ca enne' nna inne çà biŷa mal qui' lu'. Aŷ ná qui'ni guni lu' desdeba anna hastaba í'yu tsá él-lani Xana' Ri'u Jesucristua, ¹⁵tsá señalado nu chî nani Tata Dios qui'ni iyábani ca enne' nna ilá'ni çà ne. Ttu teruba lèe nna née enne' bendito nna te itute la' huacca qui'e nna rigú'ubi'e lo iyaba ca rey nna née enne' dacca' lo iyaba canu te poder qui' qui'. ¹⁶Ttu terúbée nna nunca labí gattie, porqui'ni née meru gani la' labani, pues lanú enne' ccani ibíga'q̄ ŷiabara' lati dúe. Lanú enne' le' yétiloyuŷi chî bilá'niq̄ lúe, nihua labí te posible qui'ni nuŷa ilá'niq̄ ne. Acca dâni ri'u gudàliani ri'u e tulidàba porqui'ni te itute la' huacca qui'e para siempre. Amén.

¹⁷Ca enne' chi ná çà rico por ca cosa material nu chi guta' qui' qui', pues ná qui'ni inèni lu' çà qui'ni bittu gulaba latsi' qui' qui'ni chî ná çà enne' adí dacca' a'hua qui'ni bittu gappa çà confianza bel-liu para ccabani çà, porqui'ni de repente taá labiru te, sino dâni çà gappa la çà confianza Tata Dios enne' banie tulidàba nna runinie ri'u iyaba ca cosa ofrecer, alàa

runne titó' ruba sino iŷeni la para bien qui' ri'u. ¹⁸A'hua ga lu' çà qui'ni guni çà nu ná tsè' lani bel-liu qui' qui', qui'ni guni çà iŷé obra tsè' nu dacca' lani Tata Dios para qui'ni cca la çà rico lani lee, a'hua qui'ni ŷa guteba çà por ttu cosa tsè' a'hua qui' ca enne' te necesidad qui' qui'. ¹⁹Aŷ modo nna gata' ttu riqueza adí tsè' qui' qui' nna ttu cimientto tsè' por nu chi' da'la, para qui'ni gata' la' labani nu labí ttíq̄ qui' qui'.

²⁰Lu' Timoteo to', hué' lu' cuidado nu chî bethà'na Tata Dios làtsi' ná' lu'. Hué' lu' cuidado qui'ni làa guchìxi lu' a lani ca titsa' nu labí dacca' iŷu', porqui'ni labí riŷu' ca titsa' qui' qui' para la' dâlani qui' Tata Dios. A'hua bittu gudà naga' lu' canu redúdítisi çà ca titsa' nu ría latsi' ri'u nna rena çà qui'ni yù çà attu enseñanza huaya' nu ná adí tsè', pero equivocado ba ga'na çà. ²¹Aŷ chi beni ttu chuppa canu rena çà qui'ni chi guta' attu conocimiento huaya' qui' qui', pero chi gulà'a çà neda nu ná lí nna labí fe té qui' qui'. Dios nna gunie lu' cualàni.

Aŷ bá ná.